



01 13719/22

Broj: 06-11-42/22-42  
Ilidža, 15.07.2022.g.

SAGLASNOST:

Općinski načelnik  
Nermin Muzur, magistar uprave

18.07.2022

OPĆINSKI NAČELNIK

PREDMET: Davanje saglasnosti Općinskog načelnika na materijal za sjednicu Općinskog vijeća

U prilogu Vam dostavljamo materijal kako bi na isti dali svoju saglasnost i to:

- Odluku o korisnicima, kriterijima i načinu subvencioniranja/regresiranja kamatne stope/profitne marže i troškova obrade kratkoročnih i dugoročnih kredita privrednim subjektima sa sjedištem na području Općine Ilidža.


S poštovanjem,

Izradila: Mediha Sućeska  
Kontrolisao:

PRILOG: - Kao u tekstu

DOSTAVLJENO:

- 1x Naslovu
- 1x Evidencija
- 1x a/a



PO OVLAŠTENJU OPĆINSKOG NAČELNIKA  
POMOĆNIK OPĆINSKOG NAČELNIKA U  
SLUŽBI ZA FINANSIJE

Benjamin Mešak, dipl.ecc.





Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) i člana 28. Statuta Općine Ilidža - Prečišćeni tekst ("Službene novine Kantona Sarajevo", br.33/10 I 18/16 ), Općinsko vijeće na \_\_\_\_\_ redovnoj sjednici održanoj dana \_\_\_\_\_2022.godine donosi

## ODLUKA

### O KORISNICIMA, KRITERIJIMA I NAČINU SUBVENCIONIRANJA/REGRESIRANJA KAMATNE STOPE/PROFITNE MARŽE I TROŠKOVA OBRADJE KRATKOROČNIH I DUGOROČNIH KREDITA PRIVREDNIM SUBJEKTIMA SA SJEDIŠTEM NA PODRUČJU OPĆINE ILIDŽA

#### I - OPŠTE ODREDBE

##### Član 1. (Predmet Odluke)

- (1) Odlukom o korisnicima, kriterijima i načinu za subvencioniranja/regresiranja kamatne stope/profitne marže i troškova obrade kratkoročnih i dugoročnih kredita privrednim subjektima sa sjedištem na području Općine Ilidža (u daljem tekstu: Odluka), utvrđuju se korisnici podsticajnih mjera, ciljevi, kriteriji i rokovi realizacije predviđene podsticajne mjere, način vrednovanja i monitoringa, kao i način objavljivanja javnog poziva, praćenje efekata te druga pitanja od značaja za provođenje podsticajne mjere.

##### Član 2. (Rodna ravnopravnost)

- (1) Tekst ove Odluke podjednako se odnosi na osobe oba spola, bez obzira na rod predložene imenice.

#### II – KORISNICI, VRSTA I SVRHA PODSTICAJNE MJERE

##### Član 3. (Svrha podsticajne mjere)

- (1) Grant sredstava planirana u okviru Programa aktivne politike zapošljavanja i razvoja privrede i turizma namijenjena su za subvencioniranje/regresiranje kamatne stope/profitne marže i troškova obrade kratkoročnih i dugoročnih kredita privrednim subjektima sa sjedištem na području Općine Ilidža, koje Općina realizuje putem izabrane banke.

**Član 4.**  
**(Cilj podsticajne mjere)**

- (1) Cilj ove mjere je potaknuti razvoj poduzetništva i povećati stopu zaposlenosti kroz povoljne uslove kreditiranja, koji mogu doprinijeti pokretanju, održavanju ili unapređenju poslovne aktivnosti.

**Član 5.**  
**(Korisnici podsticajne mjere)**

- (1) Krajnji korisnici podsticajne mjere mogu biti svi privredni subjekti koji imaju sjedište ili poslovnicu na području Općine Ilidža i koji su 100 % vlasništvo državljana BiH.
- (2) Izbor krajnjih korisnika kreditnih sredstava, vršiti će se na osnovu vrednovanja uslova propisanih od strane poslovne banke.

**Član 6.**  
**(Izuzeci)**

- (1) Izuzetno, iz prethodnog člana, korisnici ove podsticajne mjere ne mogu biti privredni subjekti koji:
- a) imaju neizmirene poreske obaveze,
  - b) imaju neizmirene obaveze prema Općini Ilidža,
  - c) obavljaju djelatnost iz oblasti igara na sreću,
  - d) obavljaju djelatnost proizvodnje, prerade ili puštanja u promet duhanskih proizvoda i alkoholnih pića,
  - e) obavljaju djelatnost proizvodnje koja ima značajan uticaj na zagađenje ljudske okoline i dokazanu štetnost po zdravlje stanovništva,
  - f) obavljaju djelatnost trgovine na malo oružjem, municijom i vojnom opremom.

**Član 7.**  
**(Vrste kredita korisnicima podsticajne mjere)**

- (1) Korisnicima definisanim u članu 5. odobravaju se kratkoročni i dugoročni krediti:
- a) Kratkoročni krediti se odobravaju na period do jedne godine (12 mjeseci) u maksimalnom iznosu do 100.000,00 KM, odnosno do 50.000,00 KM za samostalne poduzetnike, uz uslov zadržavanja broja zaposlenih na istom nivou u toku trajanja kredita.



- b) Dugoročni krediti na period od 5 godina (60 mjeseci), uz mogućnost grace perioda do 9 mjeseci, uz uslov zapošljavanja najmanje jednog radnika na iznose do 100.000,00 KM, a za svakih dodatnih 100.000,00 KM, privredni subjekt je dužan zaposliti jednog novog radnika najkasnije u roku 9 mjeseci od dana odobrenja kredita;
- c) Dugoročni krediti na period do 7 godina (84 mjeseca), uz mogućnost grace perioda do 9 mjeseci, za iznose kredita preko 100.000,00 KM uz uslov zapošljavanja po jednog novog radnika na svakih odobrenih 100.000,00 KM najkasnije u roku 9 mjeseci od dana odobrenja kredita.

### **Član 8. (Regresiranje kamate i troškova obrade kredita)**

- (1) Za odobrene kredite iz člana 7., Općina će regresirati kamatnu stopu/profitnu maržu u maksimalnom iznosu do 4%.
- (2) Za odobrene kredite iz člana 7. tačka b) i c) Općina će jednokratno snositi 50% troškova obrade zahtjeva za kredit, koje će subvencionirati nakon potvrde da je ispunjen uslov zapošljavanja.

### **III - NAČIN FINANSIRANJA I IZBORA BANKE**

#### **Član 9. (Način finansiranja)**

- (1) Budžetska sredstva za provedbu mjere se realizuju putem sklopljenog Ugovora između Općine i odabrane banke.
- (2) Općina će u svrhu subvencioniranja/regresiranja kamatne stope/profitne marže i troškova obrade kredita u roku od 30 dana po zaključenju Ugovora sa odabranom bankom, uplatiti na namjenski račun banke cjelokupan iznos planiran za ovu podsticajnu mjeru.
- (3) Ugovorom iz stava (1) ovog člana uređuju se prava i obaveze Općine i odabrane banke.
- (4) Ugovor obavezno sadrži: namjenu, iznos, uslove dodjele sredstava, rokove utroška sredstava te način i rokove izvještavanja sa sankcijama za nepoštivanje ugovora.

#### **Član 10. (Način izbora banke)**



- (1) Odabir banke za plasiranje sredstava putem podsticajnih mjera uz subvencioniranje/regresiranje troškova obrade kredita i kamatne stope/profitne marže za privredne subjekte iz člana 5. Odluke vrši se putem Javnog poziva koji raspisuje Općina.
- (2) Javni poziv obavezno sadrži: uslove koje banka mora ispunjavati, kriterije za izbor banke, rok za dostavljanje ponuda i druge potrebne podatke.

### **Član 11. (Kriterij za izbor banke)**

- (1) Kriteriji za ocjenu i izbor najpovoljnije ponude banke za realizaciju sredstava po ovoj Odluci i Javnom pozivu, uz prethodni uslov da su ponude formalno-pravno ispravne i ispunjavaju sve uslove navedene u Javnom pozivu, su sljedeći:

a) Visina kamatne stope/profitne marže - 95%,

b) Troškovi obrade kreditnog zahtjeva - 5%.

(2) Banke, učesnice Javnog poziva dužne su dostaviti ponudu koja sadrži visine kamatne stope/profitne marže i naknade za obradu kredita za kratkoročne, srednjoročne i dugoročne periode.

### **Član 12. (Ocjenjivanje ponuda banaka)**

- (1) Ocjenjivanje ponuda banaka vrši se na sljedeći način:

#### **a) Ocjenjivane ponuđene visine kamatne stope/profitne marže**

Maksimalana ocjena (95%) se dodjeljuje banci koja je u ponudi dostavila najnižu kamatnu stopu za određeni kreditni period, dok ostali ponuđači u skladu sa tim dobijaju manju ocjenu prema slijedećoj formuli:

$$\text{Oks} = \text{"Nks"} / \text{"Pks"} \times [95\%]$$

Pri čemu je:

**Oks (k/s/d)** – ocjena koju dobiva banka za ponuđenu visinu kamatne stope nakon obračuna za određeni kreditni period (k-kratkoročni, s-srednjoročni, d-dugoročni)

**Nks** – najniža kamatna stopa koja je ponuđena u Javnom pozivu za određeni kreditni period

**Pks** – ponuđena kamatna stopa koju je banka zvanično dostavila u Javnom pozivu za taj



kreditni period.

Ovakav postupak bodovanja se primjenjuje za sva tri kreditna perioda definisana u članu 10. stav (2) - kratkoročni, srednjoročni i dugoročni - tako da ukupna ocjena banke-ponuđača po kriteriju visine kamatne stope iznosi prosjek ocjene iz pomenuta tri kreditna perioda prema sljedećoj formuli:

$$Uoks = (Oksk+Okss+Okzd)/3$$

Pri čemu je:

**Uoks**- ukupna ocjena koju dobiva banka za ponuđenu visinu kamatne stope nakon obračuna za kratkoročni, srednjoročni i dugoročni kreditni period.

**Oksk** - ocjena koju dobiva banka za ponuđenu visinu kamatne stope nakon obračuna za kratkoročni kreditni period.

**Okss** - ocjena koju dobiva banka za ponuđenu visinu kamatne stope nakon obračuna za srednjoročni kreditni period.

**Okzd** - ocjena koju dobiva banka za ponuđenu visinu kamatne stope nakon obračuna za dugoročni kreditni period.

#### **b) Ocjenjivanje visine troškova obrade zahtjeva**

Troškovi obrade zahtjeva za kredit se ocjenjuju po istom principu kao i visina kamatne stope, gdje je maksimalana ocjena 5% i ona se dodjeljuju banci-ponuđaču koji ima najniže troškove obrade zahtjeva u dostavljenoj ponudi, dok ostale banke-ponuđači u skladu sa tim dobijaju manju ocjenu prema sljedećoj formuli:

$$Otoz = Ntoz/Ptoz \times [5\%]$$

Pri čemu je:

**Otoz (k/s/d)** – ocjena koju dobiva banka za ponuđene troškove obrade zahtjeva nakon obračuna za određeni kreditni period (k-kratkoročni, s-srednjoročni, d-dugoročni).

**Ntoz** – najniži troškovi obrade zahtjeva koji su ponuđeni u Javnom pozivu za određeni kreditni period.

**Ptoz** – visina troškova obrade zahtjeva koje je banka zvanično ponudila u Javnom pozivu za taj kreditni period.

Ovakav postupak bodovanja se primjenjuje za sva tri kreditna perioda definisana u članu 10. stav (2) - kratkoročni, srednjoročni i dugoročni - tako da ukupna ocjena banke-ponuđača po kriteriju visina troškova obrade zahtjeva iznosi zbir bodovanja iz pomenuta tri kreditna perioda prema sljedećoj formuli:

$$Uotoz = (Otozk+Oktozs+Otozd)/3$$

Pri čemu je:



**Uotoz** – ukupna ocjena koju dobiva banka za ponuđene troškove obrade kredita za kratkoročni, srednjoročni i dugoročni kreditni period.

**Otozk** - ocjena koju dobiva banka za ponuđene troškove obrade zahtjeva nakon obračuna za kratkoročni kreditni period.

**Otozs** - ocjena koju dobiva banka za ponuđene troškove obrade zahtjeva nakon obračuna za srednjoročni kreditni period.

**Otozd** - ocjena koju dobiva banka za ponuđene troškove obrade zahtjeva nakon obračuna za dugoročni kreditni period.

### **c) Konačna ocjena ponude**

Konačna ocjena ponude je zbir ukupne ocjene koju dobiva banka za ponuđenu visinu kamatne stope nakon obračuna za kratkoročni, srednjoročni i dugoročni kreditni period i ukupna ocjena koju dobiva banka za ponuđene troškove obrade kredita za kratkoročni, srednjoročni i dugoročni kreditni period, prema sljedećoj formuli:

**Kop= Uoks+Uotoz**

Pri čemu je:

**Kop** - konačna ocjena ponude.

**Uoks** - ukupna ocjena koju dobiva banka za ponuđenu visinu kamatne stope nakon obračuna za kratkoročni, srednjoročni i dugoročni kreditni period.

**Uotoz** - ukupna ocjena koju dobiva banka za ponuđene troškove obrade kredita za kratkoročni, srednjoročni i dugoročni kreditni period.

Rangiranje ponuda banaka vrši se prema opadajućem nizu na način da je banka sa najvišom konačnom ocjenom ponude prvoplasirana.

## **Član 13. (Odabir banke)**

- (1) Odabir banke za plasman kreditne linije za privredne subjekte koji posluju na području Općine Ilidža provodi Komisija iz člana 17. ove Odluke u skladu sa zakonskim propisima i ovom Odlukom.
- (2) Komisija je dužna izvršiti pregled prispjelih ponuda, ocijeniti ponude u skladu sa članom 12. ove Odluke, utvrditi najpovoljniju ponudu u skladu sa uslovima iz javnog poziva, sačiniti zapisnik o svom radu i isti dostaviti Općinskom načelniku, radi donošenja Odluke o usvajanju.





- (3) O odluci i rezultatima Javnog poziva, Komisija pismenim putem obavještava izabranu banku i ostale banke, učesnice Javnog poziva koje su ispunile uslove, u roku od sedam dana od dana donošenja odluke.
- (4) Banke koje nisu ispunile formalno-pravne uslove Javnog poziva, Komisija obavještava o istom u roku od sedam dana od dana donošenja odluke.
- (5) Ugovor o plasiranju budžetskih sredstava Općine namijenjenih subvencioniranju/regresiranju kamatne stope/profitne marže će se dodijeliti poslovnoj banci sa najbolje ocijenjenom ponudom.
- (6) U slučaju da dvije ili više ponuda imaju istu konačnu ocjenu ponude, prednost u izboru ima Banka čije je ponuda zaprimljena na Protokolu Općine Ilidža ranije.

#### **Član 14. (Pravni lijek)**

- (1) Prigovor se podnosi u rokovima i u skladu sa procedurama Banke iz člana 13. Odluke.
- (2) O zaprimljenim prigovorima i donesenim odlukama banka iz člana 13. obavještava Općinskog načelnika.

#### **Član 15. (Obaveze banke)**

- (1) Obaveze banke:
  - a) Banka je obavezna da nakon zaključivanja Ugovora objavi Javni poziv za dodjelu kreditnih sredstava;
  - b) Po isteku Javnog poziva za izbor korisnika kreditnih sredstava, banka razmatra prijave aplikantata u skladu sa Ugovorom i Javnim pozivom, te provodi druge aktivnosti u skladu sa aktima i procedurama banke;
  - c) Prijedlog svog kreditnog odbora o dodjeli kredita, banka dostavlja Općinskom načelniku na saglasnost;
  - d) Banka zaključuje ugovore sa korisnicima kreditnih sredstava i jedan primjerak ugovora dostavlja Općini Ilidža;
  - e) Ugovor koji banka zaključuje sa korisnicima kreditnih sredstava obavezno sadrži:





namjenu, iznos, uslove dodjele sredstava, rokove utroška sredstava, te način i rokove izvještavanja sa sankcijama za nepoštovanje Ugovora;

#### **Član 16. (Monitoring banke)**

- (1) Izabrana banka u potpunosti snosi rizik naplate odobrenih kreditnih sredstava - glavnice i pripadajuće kamate/profitne marže;
- (2) Banka se obavezuje da vrši monitoring, kontrolu ispunjenja uslova za sticanje prava na subvencioniranje/ regresiranje kamatne stope/profitne marže i troškova obrade kredita te da kvartalno izvještava Općinu o utrošku kreditnih sredstava u formi koju usaglase Ugovorom. Banka će voditi posebnu računovodstvenu evidenciju za sve korisnike po ovoj kreditnoj liniji;
- (3) Banka se obavezuje da nakon pozitivne ocjene monitoringa i kontrole u roku od 7 dana korisniku kredita regresira troškove kamatne stope/profitne marže i troškove obrade kredita iz depozitnih sredstava koje je Općina u skladu sa članom 9. stav (2) uplatila na namjenski račun banke.

#### **IV - MONITORING**

#### **Član 17. (Vrednovanje i monitoring)**

- (1) Vrednovanje ponuda odnosno pregled i ocjenu vrši Komisija koju imenuje Općinski načelnik posebnim Rješenjem.
- (2) Monitoring i evaluaciju podsticajne mjere subvencioniranja/regresiranja kamatne stope/profitne marže i troškova obrade kratkoročnih i dugoročnih kredita privrednim subjektima sa sjedištem na području Općine Ilidža vršit će Služba za privredu i turizam i Služba za finansije, svatko u okviru svoje nadležnosti.



## V - PRELAZNE I ZAVRŠNE ODREDBE

### Član 18. (Objava javnog poziva)

Općinski načelnik će u roku od 15 dana od dana objavljivanja ovog Pravilnika u "Službenim novinama Kantona Sarajevo" objaviti javni poziv iz člana 13. Pravilnika.

### Član 19. (Objavljanje rezultata javnog poziva)

Rezultati javnog poziva objavljivat će se na web stranici Općine Ilidža uz primjenu Zakona o zaštiti ličnih podataka ("Službeni glasnik BiH", br. 49/06, 76/11 i 89/11).

### Član 20. (Izveštavanje prema Općinskom vijeću)

O efektima realizacije ovih mjera, Općinski načelnik će izvještavati Općinsko vijeće Ilidža putem godišnjih izvještaja o radu.

### Član 21. (Stupanje na snagu i objava)

Ovaj Pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj:  
Ilidža,

PREDSJEDAVALAČI

**Tarik Stambolić, magistar poslovnog prava**



## OBRAZLOŽENJE:

### I PRAVNI OSNOV

Pravni osnov za donošenje Pravilnika sadržan je u:

- Članu 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09) kojim je propisano da je organ odlučivanja jedinice lokalne samouprave općinsko vijeće koje.;
- Članu 28. Statuta Općine Ilidža-Prečišćeni tekst ("Službene novine Kantona Sarajevo", br.33/10 i 18/16), kojim je propisano da općinsko vijeće u okviru djelokruga ovlaštenja utvrđenih zakonom i Statutom općine donosi općinske propise.

### II RAZLOZI DONOŠENJA

- Regresiranje odnosno subvencioniranje kamatne stope je podsticaj razvoju poduzetništva, radi održavanja i unapređenja nivoa privredne aktivnosti na području Općine Ilidža;
- Povećanje stope zaposlenosti;
- Povoljni uslovi kreditiranja mogu doprinijeti pokretanju, održavanju ili unapređenju investicija.

### III PRAVNA RJEŠENJA

- Član 1. decidno definiše predmet Odluke;
- Član 2. reguliše rodnu ravnopravnost;
- Član 3., 4., 5. i 6. definiše svrhu, cilj i korisnike podsticajne mjere kao i izuzća korisnika;
- Član 7. navodi vrste kredita korisnicima podsticajnih mjera;
- Član 8. precizno definiše visinu regresirane kamatne stope kao i visinu troškova obrade kredita;
- Član 9., 10. i 11. reguliše način finansiranja, način izbora banke kao i kriterije za izbor banke;
- Član 12. precizno i detaljno opisuje način ocjenjivanja ponuda banaka, ocjenjivanje ponuđene visine kamatne stope/profitne marže, visine troškova obrade zahtjeva I konačna ocjena ponude;
- Član 13. i 14. reguliše uslove odabira banke i pravni lijek.;
- Član 15. i 16. decidno definiše obaveze i monitoring banke;
- Član 17. reguliše vrednovanje, monitoring i evaluaciju podsticajne mjere subvencioniranja/regresiranja kamatne stope/profitne marže i troškova obrade kredita privrednim subjektima sa sjedištem na području Općine Ilidža.
- Član 18. i 19. definiše objavu Javnog poziva i objavljivanje rezultata Javnog poziva;
- Član 20. i 21. formuliše način Izvješćivanja kao i stupanja na snagu i objavu Odluke.



#### IV FINANSIJSKA SREDSTVA

- Za realizaciju ove Odluke potrebna su finansijska sredstva.
- Finansijska sredstva su planirana u Budžetu Općine Ilidža , a u okviru Programa aktivne politike zapošljavanja i razvoja privrede i turizma namijenjena su za subvencioniranje/ regresiranje kamatne stope.

